

Nafarroako Arartekoak Patxi Zamora lanetik kaleratu izana zigor politikoa dela adierazten duen kexa onartu du eta Madrilera bidaliko du.

Kontuz elkartearen eledunak bilera izan du Javier Eneriz Nafarroako Arartekoarekin. Bertan, Guardia Zibilaren argudiorik gabeko erabaki batek bere lana egiten jarraitzen ez diola uzten azaldu du Zamorak.

Zamora Arartekoa eta Arartekoaren idazkariare bildu da ordu erdiz eta aferaren ezaugarri juridikoak aztertu dituzte. Análisi horren ondorioz, Kontuzen eledunaren kexa tramitera onartu dute.

Barne Ministeritzarekin lotura duenez, kexa honen tramitazioarekin aurrera egiteko Madrigo Herriaren Defendatzaileari bidaliko zaio.

Helerazi duten dokumentazioan aireportuetako nortasun agiria ukatzearen kontra jarri duten salaketa erantsi dute. Konstituzio-eskubideen kontrako erabakia dela agertzen da bertan eta kaleratzea bertan behera gelditzea eskatzen da.

Kasuaren laburpena Madrilgo Herriaren Defendatzailearengana helduko da beraz. Dokumentazioan Nafarroako Kutzaren desagertzeari buruz Kontuzek egindako lanaren berri ematen da eta Patxi Zamora Nafarroan Gobernu berria bultzatu duten alderdiek antolaturiko zerrendan Senaturako hautagai izan zela jasotzen da ere.

«Oso interesgarria izan da. Jarrera ulergarria izan dute eta aldi berean harriduraz hartu dute kasua. Egin dudana lan politikoa zigortzeko mendeku honi aurre egiteko gomendioak eman dizkirate ere», esan du Patxi Zamorak,

Arartekoaren atea ez da Zamorak jo duen lehena. Kasua dagoeneko epaitegietan dago eta lehen pausuak eman dira ere alor horretan.